



## Kada neko od vas zaspi, šejtan mu na potiljku zaveže tri čvora i pri vezivanju svakog kaže: 'Pred tobom je duga noć, pa spavaj!'

Od Ebu Hurejre, radijallahu anhu, prenosi se da je Allahov Poslanik, sallallahu 'alejhi ve sellem, kazao: "Kada neko od vas zaspi, šejtan mu na potiljku zaveže tri čvora i pri vezivanju svakog kaže: 'Pred tobom je duga noć, pa spavaj!' Ukoliko se probudi pa spomene Uzvišenog Allaha, odriješi mu se jedan čvor; pa ako uzme abdest, odriješi se još jedan čvor; pa ako klanja, odriješi se i treći čvor, i on osvane čio i raspoložen. U protivnom, osvane lošeg raspoloženja, i lijen."

[صحيح] [متفق عليه]

Poslanik, sallallahu alejhi ve sellem, obavještava o stanju šejtana i njegovoj borbi s čovjekom koji želi ustati na noćni ili sabah-namaz. Zaista, kada vjernik ide na spavanje, šejtan zaveže na njegovom potiljku tri čvora. Kada se vjernik probudi i spomene Allaha Uzvišenog, ne poslušavši šejtanove spletke, jedan čvor se odveže. Kada uzme abdest, odveže se i drugi čvor. A ako ustane i klanja, odveže se i treći čvor, te postane aktivan i vedrog duha, radostan zbog toga što ga je Allah pomogao u pokornosti, i sretan zbog obećane nagrade i oprosta. Uz to, oslobađa se šejtanovih čvorova i njegove lijenosti. U suprotnom, ako ne ustane, probudi se lošeg raspoloženja, potištenog srca i lijen u činjenju dobrih djela, jer ostaje vezan šejtanovim okovima i udaljen od Milostivog.

<https://sunnah.global/hadeeth/bs/show/3731>

